



Broj: 05-50-1-3188-2/23  
Sarajevo, 13.12.2023. godine

**PARLAMENTARNA SKUPŠTINA BIH**

- Zastupnički dom -

Trg Bosne i Hercegovine 1  
71 000 Sarajevo



**PREDMET:** Odgovor na zastupničko pitanje, *dostavlja se*

**Veza:** Vaš akt broj 01-50-1-2398/23 od 16.11.2023. godine

Poštovani,

Vijeće ministara Bosne i Hercegovine, na 32. sjednici održanoj 12. 12. 2023. godine, na prijedlog Ministarstva sigurnosti, utvrdilo je Odgovor na zastupničko pitanje, koje je postavila Mia Karamehić – Abazović, zastupnica u Zastupničkom domu Parlamentarne skupštine Bosne i Hercegovine.

U privitku proslijedujemo Odgovor radi njegovog dostavljanja zastupnici.

S poštovanjem,

*Privitak: - kao u tekstu -*

DOSTAVLJENO:  
-naslovu  
-a/a





Broj: 05-50-1-3188- /23

Sarajevo: 13.12.2023. godine

Mia Karamehić-Abazović, poslanica u Predstavničkom domu Parlamentarne skupštine Bosne i Hercegovine, uputila je Ministarstvu sigurnosti Bosne i Hercegovine, 16. 11. 2023. godine, sljedeće poslaničko pitanje:

1. „U kojoj je fazi implementacija CERT-a (Tim za odgovor na računarske incidente)?“

Na postavljeno pitanje, Vijeće ministara Bosne i Hercegovine je na 32. sjednici održanoj 12.12.2023. godine, utvrdilo sljedeći:

## ODGOVOR

Vijeće ministara Bosne i Hercegovine je na 93. sjednici održanoj 08. 03. 2017. godine usvojilo Odluku o određivanju Tima za odgovor na računarske incidente za institucije BiH (CERT) „Službeni glasnik BiH“ br. 25/17. Član 4. navedene Odluke nalaže Ministarstvu sigurnosti Bosne i Hercegovine da izradi i Vijeću ministara Bosne i Hercegovine predloži dopunu postojećeg Pravilnika o unutrašnjoj organizaciji Ministarstva sigurnosti BiH, s ciljem uspostavljanja posebne unutrašnje organizacione jedinice u okviru Sektora za informatiku i telekomunikacione sisteme Ministarstva sigurnosti BiH.

Ministarstvo sigurnosti BiH je odmah po usvajanju navedene Odluke, shodno navedenom članu pristupilo izradi prijedloga dopune Pravilnika o unutrašnjoj organizaciji Ministarstva sigurnosti BiH kao i pribavljanju obavezujućih mišljenja. Pozitivna mišljenja nadležnih institucija smo dobili tek nakon dugotrajnih prepisivanja i nekoliko urgencija, te tek početkom 2019. godine Prijedlog dopuna Pravilnika dostavili Vijeću ministara BiH na usvajanje. Međutim, zbog tadašnje opstrukcije rada Vijeća ministara BiH, predložene dopune Pravilnika nikada nisu razmatrane niti usvojene.

Nakon prošlogodišnjih cyber napada na institucije BiH, novo rukovodstvo Ministarstva sigurnosti BiH, dodatno je intenziviralo aktivnosti na uspostavljanju CERT-a za institucije BiH. Ponovo su prikupljena pozitivna mišljenja nadležnih institucija BiH (Ministarstvo finansija i trezora BiH, Ministarstvo pravde BiH i Ureda za zakonodavstvo), te je Prijedlog pravilnika o dopunama Pravilnika o unutrašnjoj

organizaciji Ministarstva sigurnosti BiH koji podrazumijeva uspostavljanje CERT-a za institucije BiH ponovo dostavljen na usvajanje Vijeću ministara BiH. Vijeće ministara BiH je na 11. sjednici održanoj 11. 05. 2023. godine usvojilo predloženi Prijedlog pravilnika čime su stvoreni preduslovi za konačno uspostavljanje CERT-a za institucije BiH. Novi Pravilnik, shodno navedenoj Odluci predviđa uspostavljanje posebne unutrašnje organizacione jedinice CERT sa 5 sistematiziranih radnih mesta čiji opis poslova je urađen shodno ENISA-nim preporukama i najboljim praksama.

Zbog nesklada između tražene stručnosti za zaposlene u CERT-u i ograničenja finansijskih primanja zaposlenih u institucijama BiH, Ministarstvo sigurnosti BiH se suočava sa problemom popunjavanja radnih mesta kako u novoformiranoj organizacijskoj jedinici – CERT tako i u kompletnom Sektoru za informatiku i telekomunikacione sisteme. Trenutno u CERT-u nema niti jedan izvršilac, dok u Sektoru za informatiku i telekomunikacione sisteme u okviru kojeg je uspostavljen CERT, trenutno ima svega 11 izvršilaca od sistematiziranih 24 radna mesta, što iznosi svega 45%.

Ministarstvo sigurnosti BiH trenutno u saradnji sa UNDP-om radi na izradi sveobuhvatnog Plana za operativno i funkcionalno uspostavljanje CERT-a i ispunjavanje ciljeva CERT-a (koordinacija i saradnja sa relevantnim tijelima u BiH, eliminacija i smanjenje posljedica sigurnosnih incidenata uzrokovanih neautorizovanim upadom u IKT sisteme u institucijama BiH, povećanje pouzdanosti IKT sistema u institucijama BiH kroz stalnu posvećenost, rad na prevenciji i minimizaciji mogućnosti dešavanja sigurnosnih incidenata, pružanje pomoći administratorima u primjeni proaktivnih mjera za smanjenje rizika od sigurnosnih incidenata, pružanje pomoći u prevenciji posljedica sigurnosnih incidenata, itd.). Navedenim Planom će se tehnički i organizacijski razraditi sve aktivnosti CERT-a, te mapirati potrebnii ljudski, tehnički i organizacijski resursi i kapaciteti za implementaciju istih.

Također, u planu je učlanjivanje u CERT međunarodna udruženja, organizacije i mreže, što će nam stvoriti mogućnosti da učestvujemo u razmjeni informacija vezanih za aktuelnih cyber prijetnje i napade kao i najboljih praksi i preporuka u zaštiti IT sistema institucija BiH.